


**AGENCIJA ZA VODNO PODRUČJE RIJEKE SAVE
SARAJEVO**
Hamdije Ćemerlića 39a, Sarajevo
t: +387 33 726 400
f: +387 33 726 423



**Informacija o trenutnom stanju i
aktivnostima na poplavnom području
Odžačka i Srednja Posavina**

Sarajevo, 10.06.2014 godine

Prema podacima Informacionog sistema voda «Agencije za vodno područje rijeke Save, Sarajevo» vodostaji rijeka na vodnom području rijeke Save su i dalje u kontinuiranom opadanju.

Vodostaj rijeke Save kod Svilaja je pao za 7,70 m u odnosu na maksimalno zabilježeni vodostaj registrovan 18.05.2014.g koji je iznosio 939 cm, a vodostaj zabilježen u 15:00 sati iznosi 168 cm. Kod Šamca vodostaj je pao za 8,84 m u odnosu na maksimalno zabilježen vodostaj koji je registrovan 17.05.2014.g i iznosio je 891 cm, a vodostaj zabilježen u 15:00 sati iznosi 3 cm. Sava kod Orašja je pala za 9,28 m u odnosu na maksimalno zabilježeni vodostaj koji je registrovan 17.05.2014.g i iznosio je 1194 cm, a vodostaj zabilježen u 15:00 sati iznosi 261 cm.

Na poplavnom području Odžačke Posavine u toku su intenzivni radovi na sanaciji nasipa na mjestu proboja u Prudu. Materijal koji se koristi za zatvaranje savskog nasipa uzima se sa pozajmišta u Bukovicama. Na pozajmištima se vrše ispitivanja vlažnosti materijala koji će se ugrađivati, za svaki novi sloj. Ukoliko ne bude nekih smetnji u radu i ukoliko vremenske prilike to dozvole, radovi na zatvaranju proboja trebali bi biti okončani do kraja ove sedmice.

Voda iz poplavnog područja Odžačka Posavina je gotovo u cjelosti evakuisana, a preostali dio se ispušta gravitacionim ispuštima na CS Zorice I i ustavom Starača. Voda unutar branjenog područja se povukla u odvodne kanale, pa je omogućena prometna komunikacija na cjelokupnom području.

Količine vode koje su prepumpane odnosno gravitacijski ispuštene iz branjenog područja u periodu za IV, V i dio VI mjeseca su:

• CS Svilaj	prepumpano	1.154.340,00 m ³
• CS Zorice I	prepumpano	3.049.578,00 m ³
	gravitacijski ispušteno	16.596.000,00 m ³
• Ustava na Starači	gravitacijski ispušteno	35.000.000,00 m ³

Stručne ekipe Agencije za vodno područje rijeke Save su na terenu na području Odžačke Posavine i vrše praćenje i koordiniraju radove hitnih sanacija otvora na savskim odbrambenim nasipima.

Na poplavnom području Srednja Posavina vrše se pripremne aktivnosti (evakuacija voda iz formiranih depresija, isušivanje tla) na lokalitetu proboja savskog odbrambenog nasipa u

Kopanicama. Također vrše se ispitivanja u cilju pronalaženja adekvatnog pozajmišta materijala koji će se koristiti pri sanaciji.

Evakuacija preostalih količina vode iz branjenog područja, prikupljenu putem kanalske mreže, vrši se putem gravitacionih ispusta Tolisa, Tišina, Vidovice, Briježnica, Demerovac.

Dana 10.06.2014. godine u 12⁰⁰ sati Glavni rukovodilac odbrane od poplava i leda za vodno područje rijeke Save u FBiH donio je:

- Rješenje o proglašenju prestanka vanredne odbrane od poplava za područje Odžačka Posavina,
- Rješenje o proglašenju prestanka redovne odbrane od poplava za područje Odžačka Posavina,
- Rješenje o proglašenju prestanka vanredne odbrane od poplava za područje Srednja Posavina sem za Sektor I, Potez 1 (dionica na kojoj se nalazi lokalitet proboja u Kopanicama),
- Rješenje o proglašenju prestanka redovne odbrane od poplava za područje Srednja Posavina sem za Sektor I, Potez 1 (dionica na kojoj se nalazi lokalitet proboja u Kopanicama).

ODJELJENJE ZA INFORMACIONI SISTEM VODA